



# Gmejska nowina Ralbicy - Róžant



34. lětnik / 11. wudaće  
**Hamske łopjeno**  
**róžownik 2023**  
**03.05.2023**  
[www.ralbitz-rosenthal.de](http://www.ralbitz-rosenthal.de)  
[gemeinde@ralbitz-rosenthal.de](mailto:gemeinde@ralbitz-rosenthal.de)



Foto: Rafael Ledźbor

**Mjez křižerjemi našeje wosady, kotřiž su jutrowne poselstwo wozjewili, běše Bosćij Čóška z Ralbic, kotryž běše jako złoty jubilar zdobom chorhojnik.**



## **Wobzamknjenja gmejskeje rady gmejny Ralbicy-Róžant**

Na posedženju gmejskeje rady dnja 13.04.2023 su so scěhowace wobzamknjenja schwalili:

### **Wobzamknjenje č. 06-04/2023**

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach lós 1 – hruby twar

### **Wobzamknjenje č. 07-04/2023**

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach lós 2 – přihotowanje twarskeho pola

### **Wobzamknjenje č. 08-04/2023**

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach lós 22 – naprawa za milinu za twar

### **Wobzamknjenje č. 09-04/2023**

Wotwažowanje zapodatych stejišćow nošerjow zjawnych zajimow a wobydlerstwa nastupajo wobtwarjenski plan „Konjicy – Wjesna dróha směř Ralbicy“

### **Wobzamknjenje č. 10-04/2023**

Wobzamknjenje wobtwarjenskeho plana „Konjicy – Wjesna dróha směř Ralbicy“

### **Wobzamknjenje č. 11-04/2023**

Wobzamknjenje k zapodatym znapřećiwnjenjam k naćiskej hospodarskeho plana za lěto 2023

### **Wobzamknjenje č. 12-04/2023**

Wobzamknjenje hospodarskeho plana za lěto 2023

### **Wobzamknjenje č. 13-04/2023**

Wzdaće nastajenja cyłkowneho wotličenja po § 88 wotr. 1 Sächs GemO

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta

<p><b>Rěčne hodžiny gmejskeho zarjada w Róžeńće:</b> wutoru a štwórtk: 14.00–18.00 hodž.</p> <p><b>Rěčne hodžiny wjesnjanosty:</b> štwórtk: 15.00–18.00 hodž. po dorěčenju</p> <p>Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładže hospodarskeho plana, wobzamknjeneho wot zapóslancow Sakskeho krajneho sejma sobu financuja.</p>	<p><u>Nuzowe čisła</u></p> <table><tr><td>milina</td><td>ENSO Netz GmbH 0351/50178881</td></tr><tr><td>woda</td><td>Ewag Kamenz 03578/377377</td></tr><tr><td>płun</td><td>EVSE Wittichenau 035725/7410</td></tr><tr><td>wopłóčki</td><td>AZV Am Klosterwasser 035796/96026</td></tr><tr><td>policija</td><td>110</td></tr><tr><td>nuzowy lékař / wohnjowa wobora</td><td>112</td></tr><tr><td>wohnjowa wobora Ralbicy</td><td>035796/850086</td></tr></table>	milina	ENSO Netz GmbH 0351/50178881	woda	Ewag Kamenz 03578/377377	płun	EVSE Wittichenau 035725/7410	wopłóčki	AZV Am Klosterwasser 035796/96026	policija	110	nuzowy lékař / wohnjowa wobora	112	wohnjowa wobora Ralbicy	035796/850086
milina	ENSO Netz GmbH 0351/50178881														
woda	Ewag Kamenz 03578/377377														
płun	EVSE Wittichenau 035725/7410														
wopłóčki	AZV Am Klosterwasser 035796/96026														
policija	110														
nuzowy lékař / wohnjowa wobora	112														
wohnjowa wobora Ralbicy	035796/850086														
<p>IMPRESUM – Gmejska nowina gmejny Ralbicy-Róžant Zamołwity: wjesnjanosta Hubertus Ryčer Gmejski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: <a href="mailto:gemeinde@ralbitz-rosenthal.de">gemeinde@ralbitz-rosenthal.de</a> Internet: <a href="http://www.ralbitz-rosenthal.de">www.ralbitz-rosenthal.de</a> Towarstwa su za wobsah swoiich stronow same zamołwite.</p>	<p>Redakciski kónc za wudaće smažnika 2023: <b>15.05.2023</b> Prošu zapodajće wšitke přinoški za nowinu z mejlku na: <a href="mailto:gmejska.nowina@gmx.de">gmejska.nowina@gmx.de</a> Online-wudaće gmejskeje nowiny pod: <a href="http://www.ralbitz-rosenthal.de">www.ralbitz-rosenthal.de</a></p>														

**Přichodne posedženje gmejskeje rady gmejny Ralbicy-Róžant wotměje so štwórtk, dnja 25.05.2023 we 18.30 hodź. na gmejnskim zarjedže w Róžeńće. Dnjowy porjad so přez městne wuwěški wozjewi.**

**Přichodna zhromadźizna techniskeho wuběrka wotměje so po potrebjce štwórtk, dnja 25.05.2023 we 18.00 hodź. na gmejnskim zarjedže w Róžeńće. Dnjowy porjad so přez městne wuwěški wozjewi.**

**Gratulujemy wšitkim rentnarkam a rentnarjam našeje gmejny k narodninam a přejemy krutu strowotu a Bože žohnowanje!**



14. meje	Marja Ledźborjowa	Nowoslicy	85. narodniny
15. meje	Berthold Glawš	Sernjany	70. narodniny
16. meje	Wórša Matikowa	Łazk	70. narodniny
22. meje	Roswita Domašcyna	Ralbicy	80. narodniny
22. meje	Wórša Frenclowa	Róžant	75. narodniny

**Tež wšitkim njemjenowanym narodninarjam přejemy wjele zboža, strowotu a wosobinske derjeměće.**

---

### **Prawo znapřećiwnjenja k wozjewjenju abo sposrědkowanju datow k starobnym a mandželskim jubilejam**

Po postajenjach zwjazkowneho zakonja nastupajo přizjewjenske daty maja zarjady za přizjewjenje sposrědkowanje datow přewjesć a su nimo toho awtorizowani informacije z přizjewjenskeho registra podać, hdyž předleža za to trěbne prawniske wuměnenja. K wozjewjenju smě zarjad za přizjewjenje po § 50 wotr. 2 zwjazkowneho zakonja nastupajo přizjewjenske daty mjeno, stopjeń doktora, adresu kaž tež datum a wotpowědny starobny a mandželski jubilej wozjewić a na mějicelow mandatow, medije, rozhłós a druhe medije sposrědkować. Po tym su starobni jubilarojo wobydlerjo, kotřiž su 70. žiwjenske lěto, kóžde dalše pjate žiwjenske lěto a wot 100. narodnin kóžde žiwjenske lěto dokónčili a mandželscy jubilarojo ći, kotřiž swjeća złoty kwas abo pozdžiši mandželski jubilej. Kóždy potrjecheny ma prawo, so wozjewjenju abo sposrědkowanju svojich datow tajkeho starobneho a mandželskeho jubileja spřećiwyjeć, jeli njeje z wozjewjenjom a sposrědkowanjom svojich datow přezjedny. Z tym skedźbnjamy na wotpowědne prawo znapřećiwnjenja. Znapřećiwnjenje ma so bjezformnje pisomnje ze swójskim podpismom abo přez ertne wuprajenje wosobinsce pola zarjadniskeho zwjazka „Při Klósterskej wodže“, resort pasy a přizjewjenja, Póstowa 8, 01920 Pančicy-Kukow zapodać. Wopodstatnjenje njeje trěbne. Znapřećiwnjenje płáči tak dołho, kaž je tón, kotryž so spřećiwnja, jako wobydler

gmejny Ralbicy-Róžant přizjewjeny, abo doniž swoje znapřećiwnjenje njecofny. Wužiće prawa znapřećiwnjenja je bjezpłatne.

---

### **Zahajenje twara za nowotwar dnjoweho přebywanišća w Ralbicach**

Na posedženju gmejnskeje rady gmejny Ralbicy-Róžant 13. apryla bu přepodaće přnich nadawkow za nowotwar dnjoweho přebywanišća wobzamknjene. Sčehowace nadawki su so přepodali:

#### **Lós 01 hruby twar: wobzamknjenje čo. 06-04/2023**

Firma Fuhrmann Bau GmbH  
Schulstraße 14  
01471 Radeburg

**1.008.930,30 € (brutto)**

#### **Lós 02 přihotowanje twarskeho pola: wobzamknjenje čo. 07-04/2023**

Firma Landschaftsbüro Buder GmbH  
Dorfstraße 45  
02977 Hoyerswerda / OT Schwarzkollm

**178.104,98 € (brutto)**

#### **Lós 22 naprawa za milinu za twar: wobzamknjenje čo. 08-04/2023**

Firma Hellmut Matthes KG  
Baschützer Str. 11  
02625 Bautzen

**22.480,62 € (brutto)**

Je předwidžane, zo so twarske džěła za nowe dnjowe přebywanišćo srjedź meje zahaja.

---

### **Informacija k wupisanju po cyłej EU Nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach**

Gmejna Ralbicy-Róžant wozjewi wukonjenje sčehowaceje družiny rjemjesła  
wot 11.04.2023 do 17.05.2023:

#### **Lós 03 – Wukonjenje twara róštow**

wot 24.04.2023 do 12.05.2023

#### **Lós 04 – Třěchikryjerske džěła**

wot 24.04.2023 do 23.05.2023

#### **Lós 05 – Wokna/fasada/durje wobdawka twarjenja**

Wupisanje wuńdže na „eVergabe“ a w „Sächsisches Ausschreibungsblatt“.

Hubertus Ryčer, wjesnjanosta

## **Wozjewjenje wobzamknjenja wobtwarjenskeho plana „Konjegy – Wjesna dróha směr Ralbicy“**

Při wuradźowanju gmejnskeje rady Ralbicy-Róžant bu 13.04.2023 wobtwarjenski plan „Konjegy – Wjesna dróha směr Ralbicy“ wobzamknjeny. Tutón so w dobie wot 05.05.2023 do 15.05.2023 na informaciskich taflach gmejny wupowěsnje.

Hubertus Ryćer  
wjesnjanosta

---

### **Požadarjo za wólby přisydnikow pytani**

W léće 2023 přewjedu so wólby přisydnikow za dobu 2024 do 2028. Gmejny Chrósćicy, Njebjelčicy, Pančicy-Kukow, Worklecy a Ralbicy-Róžant pytaja wobydlerjow, kotřiž chcedža čestnohamtsce jako přisydnicy skutkować. Woni maja na hamtskich a krajnych sudnistwach zhromadnje z powołanskimi sudnikami wuradźować a wothłosować. Při tym maja swoje prawniske začuće kaž tež swoje powołanske a žiwjenske nazhonjenja sobu zasadzić. Z přisydnikom móže so zasadnje kóždy mjez 25 a 70 lětami stać, kiž ma dobre mjeno.

Zajimcy požadaja so prošu z wupjelnjenym formularom hač do 22. meje 2023 pola gmejnow abo pola Z'zarjadniskeho zwjazka „Při Klóšterskej wodže“. Při prašenjach stejimy pod číslom 035796-9460 k dispoziciji.

Stefan Anders  
předsyda zarjadniskeho zwjazka

---

### **Přeńdženja přećiwo porjadej při parkowanju w Ralbicach**

Wospjet bu zwěścene, zo jězdźidla w času kemšow we wobłuku Stareje šule w Ralbicach parkuja a wujězd wohnjoweje wobory blokuja. Nimo toho parkuja jězdźidla při sportowych zarjadowanjach we wobłuku křižowanišća a haća přejězd. W padže nuzoweho pada njeby wohnjowa wobora hotowa k zasadženju była resp. njebychu wuchowanske mocy křižowanišćo přeprěčić móhli. Tuchwilu so podeńdženja přez zarjadniski zwjazk „Při Klóšterskej wodže“ pruwuja. W přichodže so wotpowědne pokuty postaja. Prosimy potrjehenych w přichodže přidatne parkowanišća při sportnišću a při Nowej šuli wužiwać a wotpowědny přidatny puć pěši na so wzać, zo by tudyša wohnjowa wobora hotowa k zasadženju była.

Hubertus Ryćer  
wjesnjanosta



## pěstowarnja „dr. Jurij Młynk“ w Rałbicach

### Na hrajkanišću wotpadki hromadźili



Na dvěmaj dnjomaj do jutrow wobdźěli so spontanje dźewjeć hortowych dźěći na rumowanskej akciji na šulskim dworje a hrajkanišću, w šulskej zahrodze a na twjerdym hrajnišću. Cyle pod temu naslědnosće nahromadźichmy z rukajcami štyri połne bowy wotpadkow. Hladajo na to, štož smy wšitko namakali, njerozumimy, kak ludžo ze swojej přirodu wobchadžeja. Na mjenowanych městnach steja tola papjerniki, do kotrychž wotpadki słušeja! Džakujemy so Laronej, Jeremijasej, Tinej, Xaverej, Marissi, Almi, Claudiusej, Arthurej a Adrianej za zběranje a zrumowanje wotpadkow.

### Franciska Neterowa, kubłarka



### Wulět horta do Drježdźan

Lětuši wulět w jutrownych prózdninach wjedžeše nas do Drježdźan. Cil bě wustajeńca Wienskeho dźěćaceho muzeja ZOOM pod temu „Wšitko drjewo“. Połnje po přistowje „puć je cil“ dodnichu 35 hortске dźěći po puću z busowej liniju do Kamjenca a dale z čahom do Drježdźan lute zajimawostki, kiž sej wotkrychu: atmosfera w hali dwórnišća,

spěšnosť čaha, zwuki na dwórnišću abo šćežka po Nowym měsće Drježdźan. Za někotrych bě jězba z čahom samo premjera. Tróšku čakanja dla bě za džěci zetkanje z bjezdomnymaj před zachodom wustajeńcy přewšo wurjadne: jedyn sedžeše , druhi pod přikrywom so zdaše spać. Prašenja bjez kónca dyrbjachu džěci wotbyć: Što činitaj čłowjekaj tu? Čehodla ma roztorhane cholowy? Čehodla nimataj chěžu? Što mataj w jich měškach? Štó pomha jimaj?



Wotmołwy sej zdžěla sami mjez sobu dachu, zdžěla jim kubłarki wěc rozkładžechu. Tróšku z našich mysłow wutorhnjeni podachmy so w dwěmaj skupinomaj do wustajeńcy. Dóstachmy mnohostronski dohlad do potenciala rosćaceho materiala drjewa. Na jednej stronje pokaza so na interaktiwne wašnje, kak spomóžnje z klimje přichilenej resursu drjewo wobchadžeć mamy, kak so z drjewa meble a domy twarja abo kak so drjewo za produkciju čopty a energije wužije. Na druhej stronje so džěci sami gratu přimachu a natwarichu sej pod nawodom z drjewa brunčak.

Po pódra hodžinje podachmy so zaso na dompuć. Połni dožiwjenjow so w Ralbicach wjeseli, ale tež sprócni na zasowidženje rozžohnowachmy.

Jadwiga Nukowa, wjednica kubłanišća



# ŠULSKE NOWINY



Serbska wyša šula Ralbicy  
UNESCO projektna šula  
[www.sorbische-schule-ralbitz.de](http://www.sorbische-schule-ralbitz.de)

Różownik 2023  
28. lětnik, 274. wudaće

## Sport w sněze

Prěnju sobotu w měrcu zetkach so někotre dźesatki na zhromadne zymske sportowanje. K tomu dojeżdžechu sej do Rugiswalde blisko Neustadta. Na městnje wupožčichu sej započatkarjo sněhaki, tamni wuspytachu so na jednej desce: ze snowboardom. Džakowano dobrych wuměnjenjow na městnje móžachu so wšitcy w jězdženju wuspytać a z kóždej dalšej jězbu z liftom na horu swoje zamóžnosće tróšku polěpšić.



- tekst a foto: Jan Rjeda -

## Olympiada serbskeje rěče

Tute lěto přewjedže so 55. olympiada serbskeje rěče we Wodowych Hendrichecach. K temje „Woda je žiwjenje”



wotkrychu sej šulerki a šulerjo z wšelakich šulow

we wosom stacijach aktualnu problematiku, kotrež nastaji Michał Cyž. Wobdźěłachu z pomocu GPS-nastrojow temu „woda” na lóštne a wotměnjawe wašnje.

Štwórtk pisaštej přěnjeje rěčneje skupinje nastawk. Po tym slědowaše ertne pruwowanje za šulerkow a šulerjow.

Tež šulerki a šulerjo našeje wyšeje šule so wobdźělichu. Běchu to: Jason Domš, Patricia Dittrichec, Dana Kacarjec,

Amelie Markulec, Vanessa Rjenšec, Johanna Kralec, Gloria Korchec a Nina





Kubańkec. Mytowaše so najlěpši nastawek za wyše šule, kotryž napisa Gloria Korchec. W skupinje, kotraž běše so za najlěpše skupinske dźěło wuznamjenita, běštej mjez druhim Gloria a Nina. Wutrobna gratulacija našim wobdźělnicam a wobdźělnikam!

- tekst: Lydija Pešmanowa, wobrazaj: Julija Serbinec -

## Pućowanski dzeń

W měrcu mějachmy za našu šulu centralny pućowanski dzeń planowany, na kotrymž sej kóždy lětnik něšto rjaneho předewza. Tuž chcemy wam někotre impresije našeho sedmeho lětnika předstajić.



Šulerki a šulerjo ze 7/1 kolesowachu z knjezom Zahrodnikom a knjezom Kliemankom do Njeswačidła. Tam wočakowaše jich dźěłarnička k temje „metalowe znawuwžiwanje“ (recycling). Na kóncu činjachu hišće mału přestawku pola Zahrodnikec.

Z knjezom Wowčerjom a knjeni Šramic běše rjadownja 7/2 po puću. „Z kolesom, z wětřikom, runjewon“ do Prawoćic. Wuhotowani z wudami smědzachu so mali wudžerjo sami wuspytać. Nazhonichu při tym, zo trjebaš wjele wutrajnosće a měra.



- tekst: Lydija Pešmanowa, wobrazy: Křesćan Zahrodnik a Michał Wowčer -



## Naši šulerjo w rozhlósu hospitowali

Sydom šulerkow a šulerjow Serbskeje wyšeje šule Ralbicy je w měrcu redakciju MDR Satkule wopytało. Wuknjacy z Ralbic su wobdźělnicy cyłodnjowskeho poskitka „podcast a nowe medije“, w kotrymž mjez druhim rozhlósowe přinoški produkuj.

Šulerki a šulerjo smědzachu hospitować a žurnalistiske dźěło w Serbskim rozhlósu dožiwić kaž tež we wusyťanju sobu skutkować. W rozmoťje z moderatoromaj Satkule Clemensom Handrikom a Franciskusom Wornarjom wotmoťwajachu Delanscy

wuknjacy na prašenja, rozprawjachu wo jich wšědnym dnju na šuli a wo dalšich aktiwitach na kubłanišću.

Cyłodnjowski podcastowy poskitk w Ralbicach wobsahuje zakłady rozhlósoweho džěta. Při tym wuměnjeja so šulerki a šulerjo wo móžnych temach, přemysluja wo jich přesadženju, pytaja za rozmołwnymi partnerjemi, pisaja teksty, nahrawaja zwuki a zestajeja a střihaaja radijowe přinoški. Hotowe produkty předstajeja so w šulskim radiju a wozjewjeja so na internetnej stronje našeje šule.

- tekst a foto: Jan Rjeda -

## Wopyt w domje Měrcina Nowaka-Njehorńskeho



Spočatk apryla wopyta šesty lětnik našeje wyšeje šule dom Měrcina Nowaka-Njehorńskeho. W předmjeće serbsčiny buchu šulerki a šulerjo hižo do toho na tematiku přihotowani. Nic jenož za našich wuknjacych, ale tež nam - knjeni Serbinec, knjezej Wowčerjej a knjeni Pešmanowej - bě wopyt doma serbskeho wuměta wulka česć.

Rano w 7:30 hodź. wotewza nas mały bus před Ralbičan šulu. Wutworichmy tuž dvě skupince, w kotrejž mějachu šulerki a šulerjo zhromadnje džětać. Přenja skupina měta z wjedženjom započinać, tamna z dalšim nadawkom we wobtuku předmjeta serbsčiny. Najlěpši rezultat předstajimy wam w přichodnym wudaću.

Jako sej do Njehornja dojdžechmy, wočakowaše nas hižo knjeni Pinkawina. Před domom stejo rozkladže nam, što wona je a što su jeje nadawki. Z cyteje wutroby wjedže skupiny přez dom. Přeradži nam, zo džětaše něhdže 30lět dołho z Měrcinom Nowakom-Njehorńskim hromadže.



W rozmołwach z knjeni Pinkawinej pokazowaše so jeje zahoritosc za žiwjenje, skutkowanje a wuspěchi serbskeho prócowarja cyle jasnje. Dale nam rozprawješe, zo njebě Njehorński jenož tworjacy wuměta, kotrehož spóznajemy

na lipowym łopješku. Ně, běše tohorunja spisowacel, publicist, přełožowar, ludowědnik a kulturnik. Buchmy hišće wćipniši na wjedženje. W ateljeju rozłoži nam knjeni Pinkawina žiwjenje Měrcina Nowaka. Jeho originalne džětowe blido z pisanskim gratom nas wosebje fascinowaše. Tohorunja móžachmy sej wjacore wobrazy wobhladać, kotrež wón namolowa. Mjez druhim wobraz "hadźaceho krala".



Po předstajenju ateljeja podachmy so do hłowneje chěže. Smědźachmy do kóždoho ruma pokuknyć a rozkładženjam připosłuchać. Za nas bě fascinowace widžeć, kak su tehdy bydlili.

Nasrěbani z mnoho informacijemi po wjedženju a sprócnj wot kreatiwneho skupinskeho džěta, podachmy so won na přestawku. Při zhromadnym wobjedže so wočerstwichmy. Prjedy hač wotjědžechmy, wužichmy móžnosć so pola knjeni Pinkawinej podźakować a so rozžohnować.



- tekst: Lydija Pešmanowa, wobrazy: Julija Serbinec, Lydija Pešmanowa -

## INFORMACIJE - TERMINY - WŠELČIZNY

<b>3. róžownika</b>	ekskursija 10. lětnika do Mateho Holešowa k temje „póda“
<b>wot 15. do 25. róžownika</b>	pisomne pruwowanja
<b>18. róžownika</b>	Božeho spěća - swobodne
<b>19. róžownika</b>	swobodne
<b>31. róžownika</b>	9. lětnik wopyta krajny sejm

## Džěci a jutrowne wobrjady



Do wobrjadow wokolo jutrow su tež džěci sobu zapřehnjeni. Tak kroča křižowy puć, wobrubja jako ministranća Bože služby a nutrnosće a pomhaja svojim nanam w konjencach. W Róžeńće je z wašnjom, zo podadža so džěci po jutrach na drjewowych konikach a chorhojemi do wokoliny, zo bychu na swoje wašnje spěwajo zrowastanjenje Jězusa Chrystusa wozjewili.



Fota: Tomaš Šolta (5), Rafael Ledźbor (1)

## Přeprašenje k džaknej Božej mši wobornikow

Džakna Boža mša wohnjowych woborow zarjadniskeho zwjazka »Při Klóšterskej wodže« składnostnje mjeninow swjateho Floriana wotměje so pjatk, dnja 5. meje 2023. Boža mša budže w 19.00 hodź. w putniskej cyrkwi w Róžeńće. Kemše organizuja so lětsa wot Worklečanskeje gmejskeje wohnjoweje wobory. Wšitcy wobornicy a hosćo su wutrobnje přeprašeni.

Joachim Měrcink  
(zastupowacy nawoda gmejskeje wobory)

### Domownik pytany

**Molerski zawod w Ralbicach pyta pilneho a wobhladniwego pomocnika kołowokoło składa firmy na bazy mini-zaslužby. Fleksibelny džěłowy čas.**

**Kontakt:**

**Tel. 035796 94096**

**[Info@malermeister-frenzel.de](mailto:Info@malermeister-frenzel.de)**